

古之所以貴此道者何也不曰求以得有罪以免耶故為天下貴

御注曰求則得之求在我者也古之人所以求之於陰陽度數而未得者求在外故也惡者遷善愚者為哲此有罪所以免歟故道之善救者如此

碧虛子陳景元曰耶者嘆美之詞也

穎濱蘇轍曰道本在我人患不求求則得之矣道無功罪人患不知知則凡罪不能污也

王雱曰求以得故善人寶之有罪以免故不善人保之

葉夢得曰夫婦之愚未有求道而不得一有聞焉雖向之嘗

道藏輯要

道德真經
彭鶴林集註

四
心集八

以為罪者可以一洗皆空則道之為貴果在此不在彼也

清源子劉驥曰古之得道者出乎天地陰陽度數之外禍亦不至福亦不來禍福無有烏有人災

程大昌曰若其昔嘗暴棄溺於不善矣今而回心向道則亦受而誨之未嘗追咎既往也

為無為章第六十三

為無為事無事味無味大小多少報怨以德

御注曰聖人應物之有體道之無於斯二者概可見矣大小言形多少言數物量無窮不可為倪大而不多小而不少則怨恩之報孰暗其辨聖人所以同萬有於一無能成其大

碧虛子陳景元曰夫心不動則虛明虛明則眾妙可觀矣身不勞則實厚實厚則精神不虧矣口不嗜則恬漠恬漠則靈液不竭矣又解味無味者不味是非美惡之言而味大道無味之言經曰道之出口淡乎其無味也

頴濱蘇轍曰聖人爲無爲故無所不爲事無事故無所不事味無味故無所不味其於大小多少一以道遇之而已蓋人情之所不忘者怨也然及其愛惡之情忘則報怨猶報德也王雱曰大小多少者畏事之小如大謹事之少如多莊子曰不忽於人報怨以德者以直報怨者事也以德報怨者德也事則吉凶與民同患故種種色相一不可廢若夫德則不見

道藏輯要

道德真經
彭鶴林集註

五
心集八

有物安得怨乎如上三事體道者也方其體道故當如此爾報怨而以德則知無所不用德

道真仁靜先生曹道沖曰世間之物與事不過大小多少道一以貫之報怨以德仇讐怨絕報怨以怨相報無盡

清源子劉驥曰聖人體道在己與天地同其德與混元同其功不爲而爲不作而作自然而然也故爲出於無爲事出於無事味出於無味其道雖大而本甚小故言大小其用雖多而要甚少故言多少大小者含太虛於方寸多少者總萬有於真一大小多少則大同於物而萬物與我爲一何怨之有此言報怨以德足見聖人仁民愛物之廣大如天地之無不

覆載所以能體道之大也

黃茂材曰道無爲也而有無爲之爲道無事也而有無事之事道無味也而有無味之味天下莫大乎秋毫之末而泰山爲小何形之小大莫壽乎殤子而彭祖爲天何數之多少雖有忮心之人不怨飄瓦又何怨何德其能齊小大一多少平怨德如此

圖難於其易爲大於其細天下之難事必作於易天下之大事必作於細是以聖人終不爲大故能成其大夫輕諾必寡信多易必多難是以聖人由難之故終無難矣

碧虛子陳景元曰圖度其始易之時則於終無難矣營爲於

道藏輯要

道德真經
彭鶴林集註

六
心集八

初細之日則於後無大矣嚴君平曰是以大難之將生也猶風邪之中人也未然之時慎之不來在於皮毛湯慰去之入於湊理微鍼取之在於臟腑百藥除之入於骨髓天地不能變造化不能治故曰天下難事必作於易

穎濱蘇轍曰世人莫不畏大而侮小難多而易少至於難而後圖大而後爲則事常不濟矣聖人齊大小一多少無所不畏無所不難而安有不濟者哉

陸佃曰天下難事必作於易天下大事必作於細既謹矣又當守之以謙故曰聖人終不爲大故能成其大

陳象古曰易者難之基細者大之本故難易之相尋大小之

相續如循環之無端聖人知其然信其理故保小守下而已
清源子劉驥曰聖人抱道懷德不離乎方寸之中自知不自
見自愛不自貴故終不爲大然方寸之中真性之內無不忘
也無不有也澹然無極而眾美從之此天地之道聖人之德
也故能成其大輕諾者其後必寡信多易者其後必多難聖
人之於道勤而行之猶以爲難故能窮理盡性以至於命而
終無難也

其安易持章第六十四

其安易持其未兆易謀其脆易泮其微易散爲之於未有治之
於未亂

道藏輯要

道德真經
彭鶴林集註

七
心集八

御注曰安者危之對未兆者已形之對脆者堅之對微者著
之對持之於安則無危謀之於未兆則不形聖人之知幾也
脆者泮之則不至於堅冰微者散之則不著此賢人之殆庶
幾也奔壘之車沈流之航聖人無所用智焉用智於未奔沈
所謂爲之於未有治之於未亂

穎濱蘇轍曰方其未有持而謀之足矣及其將然非泮而散
之不去也然猶愈欲旣成也故爲之於未有著上也治之於
未亂者次也

陸佃曰其安易持其未兆易謀此言造理而悟也其脆易破
其微易散此言造形而悟也